

UNIVERZITET U SARAJEVU
FAKULTET SPORTA I TJELESNOG ODGOJA

Bosna i Hercegovina-Federacija Bosne i Hercegovine
FAKULTET SPORTA I TJELESNOG ODGOJA
UNIVERZITETA U SARAJEVU
SARAJEVO

| | | | |
|-----------------------|------|--------|------------|
| Primijeno: 04-06-2014 | | | |
| Org. jed. | Broj | Prilog | Vrijednost |
| 01 | 1483 | | 14 |

PRAVILNIK O IZBORU PRODEKANA
FAKULTETA SPORTA I TJELESNOG ODGOJA
UNIVERZITETA U SARAJEVU

Sarajevo, juni 2014.

U skladu sa članom 16. Okvirnog zakona o visokom obrazovanju Bosne i Hercegovine („Službeni glasnik BiH“, broj: 59/07), članom 126. Zakona o visokom obrazovanju, precisceni tekst („Sluzbene novine Kantona Sarajevo“, broj: 42/13), a u vezi sa članom 127. Zakona o visokom obrazovanju Kantona Sarajevo, prečisceni tekst („Sluzbene novine Kantona Sarajevo“, broj: 42/13) i člana 103. Statuta Univerziteta u Sarajevo, Nastavno-naučno vijeće fakulteta je na sjednici održanoj 02. 06.2014. godine, donijelo:

**PRAVILNIK
O IZBORU PRODEKANA
FAKULTETA SPORTA I TJELESNOG ODGOJA
UNIVERZITETA U SARAJEVU**

LOPĆEODREDBE

**Član 1.
(Sadržaj Pravilnika)**

Ovim pravilnikom blize se uređuju broj i način rada prodekana, procedura i rokovi izbora, postupak prestanka funkcije i razrješenja prodekana Fakulteta sporta i tjelesnog odgoja Univerziteta u Sarajevu (u daljnjem tekstu: prodekan) u skladu sa Zakonom.

**Član 2.
(Broj prodekana)**

Fakultet ima četiri prodekana iz reda akademskog osoblja i jednog studenta-preodekana i to:

- 1. Prodekan za nastavu,**
- 2. Prodekan za nauku,**
- 3. Prodekan za finansije,**
- 4. Prodekan za međunarodnu saradnju i osiguranje kvalitete.**

**Član 3.
(Uslovi za izbor prodekana)**

Za prodekana može biti izabrano lice iz reda akademskog osoblja u zvanju redovnog, vanrednog profesora ili docenta koje je u radnom odnosu u punom radnom vremenu na fakultetu.

Za studenta - prodekana može biti birano lice koje ispunjava uvjete utvrđene Zakonom o studentskom organizovanju na području Kantona Sarajevo na prijedlog Studentske asocijacije.

**Član 4.
(Mandat prodekana)**

Mandat prodekana traje četiri godine i prati mandat dekana.

Mandat prodekana-studenta traje jednu godinu.

II IZBOR PRODEKANA

Član 5. (Tok postupka)

Postupak izbora prodekana podrazumijeva:

- predlaganje kandidata iz reda redovnih, vanrednih profesora i docenata Fakulteta sporta i tjelesnog odgoja od dekana Fakulteta;
- donošenje odluke Vijeća o izboru prodekana.

Član 6. (Pravo predlaganja kandidata)

Kandidata (kandidate) za prodekana predlaže dekan Fakulteta.

Prijedlog se dostavlja Nastavnonaučnom vijeću Fakulteta sporta i tjelesnog odgoja.

Član 7. (Izbor prodekana)

Nastavnonaučno vijeće odlučuje o prijedlogu dekana na sjednici koja se mora zakazati u roku ne dužem od petnaest dana (15) od dana dostave prijedloga dekana.

Nastavno-naučno vijeće o izboru prodekana odlučuje na sjednici javnim glasanjem.

Za usvajanje prijedloga dekana potrebna je nadpolovičnom većinom glasova ukupnog broja članova Nastavno-naučnog vijeća. Nastavno-naučno vijeće ovlašćuje dekana da potpiše rjesenje o imenovanju prodekana.

Mandat prodekana prati mandat dekana koji ih je predložio.

Član 8. (Odluka Nastavnonaučnog vijeća)

Smatra se da je izbor za prodekana okončan kada kandidat dobije nadpolovičnu većinu glasova od ukupnog broja članova Nastavno-naučnog vijeća.

III PRESTANAK FUNKCIJE I RAZRJEŠENJE PRODEKANA

Član 9. (Prestanak mandata prodekana)

Razlozi za prestanak mandata prodekana su: istek mandata, ostavka, prijevremeno razrješenje, izbor na neku drugu funkciju nespojivu sa funkcijom prodekana, osuda na bezuvjetnu kaznu zatvora.

Razlozi za prestanak mandata nastupaju zbog:

- isteka mandata – istekom mandatnog perioda;
- ostavke – podnošenjem ostavke;
- prijevremenog razrješenja-izglasavanjem odluke Nastavnonaučnog vijeća o razrješenju;
- bezuvjetne kazne zatvora-dostavljanjem pravosnažne presude.

Član 10.
(Inicijativa za razrješenje prodekana)

Inicijativu za prijevremeno razrješenje prodekana Nastavnonaučnog vijeću mogu podnijeti:

- dekan;
- najmanje jedna trećina članova Nastavno-naučnog vijeća;

Inicijativa sa prijedlogom za razrješenje sa obrazloženjem može se podnijeti ako izabrani prodekan:

- ne izvršava zadatke predviđene zakonom i statutom ili ih izvršava protivno njima;
- prekorači ovlaštenja i time nanese štetu Fakultetu u većem obimu;
- odsustvuje ili je spriječen da obavlja dužnost u neprekidnom roku od tri (3) mjeseca;
- svojim ponašanjem naruši i povrijedi ugled funkcije prodekana;
- pravosnažno osuđen za krivično djelo.

Član 11.
(Postupak razrješenja)

Po dobijanju inicijative za razrješenje prodekana dekan je dužan sazvati sjednicu Nastavnonaučnog vijeća najkasnije petnaest (15) dana od dana prijema inicijative. O prijedlogu za prijevremeno razrješenje prodekana Nastavnonaučno vijeće odlučuje tajnim glasanjem i za usvajanje istog potrebna je nadpolovična većina od ukupnog broja članova Nastavnonaučnog vijeća.

Ako Nastavnonaučno vijeće prihvati prijedlog za razrješenje, dekan na istoj sjednici predlaže novog kandidata za prodekana, prema proceduri predviđenoj u članu 5. ovog pravilnika.

Član 12.
(Odbijanje inicijative)

U slučaju da Nastavno-naučno vijeće odbije inicijativu za razrješenje prodekana, nova inicijativa se ne može podnijeti prije isteka roka od šest (6) mjeseci od podnošenja prethodne.

Član 13.
(Stupanje na snagu)

Ovaj pravilnik stupa na snagu danom donošenja i objavit će se na web stranici Fakulteta sporta i tjelesnog odgoja Univerziteta u Sarajevu.

NASTAVNONAUČNO VIJEĆE FAKULTET
SPORTA I TJELESNOG ODGOJA
UNIVERZITETA U SARAJEVU

PREDSJEDAVALJUĆI NASTAVNONAUČNOG
VIJEĆA



Dekan

Prof.dr. Nusret Smajlović